



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona, Odluke Vlade Srednjobosanskog kantona od 07.11.2024.godine o usvajanju programa pomoći poslovnim subjektima za saniranje posljedica od poplava za područja općina Fojnica, Kiseljak i Kreševo, Ministarstvo privrede raspisuje

**JAVNI POZIV
ZA PODNOŠENJE PRIJAVA ZA POMOĆ POSLOVNIM SUBJEKTIMA
ZA SANIRANJE POSLJEDICA OD POPLAVA ZA PODRUČJE OPĆINA
FOJNICA, KISELJAK I KREŠEVO**

I PREDMET

Predmet javnog poziva je dodjela finansijskih sredstava poslovnim subjektima za saniranje posljedica od poplava za područja općina Fojnica, Kiseljak i Kreševo.

II PRAVO NA PODNOŠENJE PRIJAVE

(1) Na javni poziv mogu se prijaviti samo poslovni subjekti sa sjedištem poslovanja ili izdvojenom poslovnom jedinicom iz općina Fojnica, Kiseljak i Kreševo, a koji ispunjavaju sljedeće uslove:

- a) da su pretrpjeli direktnu štetu od poplava,
- b) da imaju sjedište poslovanja ili izdvojenu poslovnu jedinicu u jednoj od jedinica lokalne samouprave (Fojnica, Kiseljak i Kreševo).

(2) Pravo na podnošenje prijave na Javni poziv nemaju:

- a) javna preduzeća, javne ustanove, banke i druge finansijske organizacije, osiguravajuća društva, sportske kladionice i poslovni subjekti čija djelatnost obuhvata igre na sreću, javne institucije, organi uprave, organi i jedinice lokalne samouprave, poslovni subjekti čiji su žiro računi blokirani, poslovni subjekti čija šifra osnovne djelatnosti obuhvata poljoprivredu.
- b) Poslovni subjekti koji nisu dostavili izvještaj o implementaciji programa i rezultatima ostvarivanja programa po ranije dobivenim poticajnim sredstvima, i kojima od strane Ministarstva privrede nije prihvaćen izvještaj.
- c) Poslovni subjekti koji nisu izmirili obaveze po osnovu javnih prihoda ili nemaju potpisan sporazum o odgodi plaćanja (doprinosi za PIO/MIO i zdravstveno osiguranje i osiguranje od nezaposlenosti zaključno sa 31.08.2024.godine.

III FINANSIJSKA SREDSTVA ZA REALIZACIJU

Ukupan iznos finansijskih sredstava za realizaciju javnog poziva iznosi: **1.500.000,00 KM.**

IV NAMJENA I CILJ

(1) Prihvatljive su samo aktivnosti čiji je cilj saniranje posljedica od poplava koje obuhvataju:

- a) nabavku mašina i opreme,
- b) popravak mašina i opreme,
- c) nabavku sirovina i drugog materijala za redovno obavljanje registrovane djelatnosti,
- d) građevinske radove na sanaciji objekata.

V PRIHVATLJIVI TROŠKOVI

(1) Prihvatljivim će se smatrati sljedeći troškovi (vezani za dozvoljenu namjenu utroška sredstava):

- a) troškovi vezani za nabavku mašina, postrojenja i opreme, mjernih i kontrolnih uređaja i instrumenata, dijelova, te računarske opreme i programa koji su sastavni dio mašina i opreme, odnosno proizvodnog sistema,
- b) troškovi vezani za popravku mašina, postrojenja i opreme, mjernih i kontrolnih uređaja i instrumenata, te računarske opreme namijenjene isključivo za obavljanje poslovne djelatnosti,
- c) troškovi nabavke obrtnih sredstava i ostali troškovi potrebni za redovno obavljanje registrovane djelatnosti,
- d) troškovi nabavke građevinskog materijala i građevinskih radova za sanaciju oštećenih objekata,

(2) Neprihvatljivim troškovima smatrat će se troškovi nastali prije dana nastanka poplave (prije 04.10.2024.godine).

VI DOKUMENTACIJA I NAČIN PODNOŠENJE PRIJAVE

- (1) Prijave na javni poziv dostavljaju se putem web plaforme www.eprivreda.ba, putem pošte na adresu Ministarstvo privrede SBK (Stanična 43, Travnik) ili lično na protokol Vlade SBK.
- (2) Poslovni subjekti koji se prijavljuju putem web platforme, prije podnošenja prijave, su dužna da se registruju na web platformi „eprivreda“ (www.eprivreda.ba).
- (3) Poslovni subjekti dužni su na web platformi „eprivreda“, nakon popunjavanja prijavnog obrasca, učitati sljedeće dokumente:
 - a) Rješenje iz sudskog registra sa svim pojedinačnim priložima ili aktuelni izvod iz sudskog registra, a za ostale poslovne subjekte rješenje o registraciji izdato od strane nadležne općine.
 - b) Uvjerenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja (doprinosa za PIO/MIO, zdravstveno osiguranje i osiguranje od nezaposlenosti sa 31.08.2024. godine).
 - c) Obavještenje o razvrstavanju subjekata prema klasifikaciji djelatnosti KD 2010 - Federalnog zavoda za statistiku.
 - d) Listu osiguranih lica izdatu od strane porezne uprave F BiH.
 - e) Potpisanu i ovjerenu izjavu o namjenskom korištenju sredstava koja se nalazi u prilogu ovog javnog poziva).

Prijave koje ne sadrže svu potrebnu dokumentaciju, bit će odbačene i neće biti predmet daljeg razmatranja Komisije. Sva priložena dokumentacija mora biti izdana od strane nadležnih sudskih ili upravnih organa u F BiH. Dokumentacija ne smije biti starija od 3 mjeseca od dana objavljivanja ovog poziva izuzev dokumentacije iz tački a), c), Javnog poziva.

- (4) Poslovni subjekti koji se prijavljuju putem pošte ili lično na protokol Vlade Srednjobosanskog kantona dostavljaju navedenu dokumentaciju, uz koju prilažu i popunjen obrazac Zahtjeva za prijavu, koji se nalazi u prilogu Javnog poziva.
- (5) Poslovni subjekti koji se prijavljuju putem pošte ili lično na protokol Vlade SBK podnose prijavu na adresu: Ministarstvo privrede Srednjobosanskog kantona, ul. Stanična 43, 72270 Travnik sa naznakom PRIJAVA NA JAVNI POZIV „ZA POMOĆ POSLOVNIM SUBJEKTIMA ZA SANIRANJE POSLJEDICA OD POPLAVA“

VII ROK ZA PODNOŠENJE PRIJAVE

Krajnji rok za podnošenje prijave je 20 dana od dana objave Javnog poziva na web stranici Vlade Srednjobosanskog kantona.

VIII KRITERIJI ZA VREDNOVANJE PRIJAVA

Prilikom ocjene prijave na Javni poziv vrednovat će se sljedeći kriteriji:

- a) visina iznosa pretrpljene štete tj. konačan izvještaj o nastaloj šteti koji će Ministarstvo privrede zatražiti službenim putem od strane navedenih općina,
- b) broj zaposlenih radnika,
- c) značaj poslovnog subjekta za industrijsku granu kojoj pripada

IX KOMISIJA

(1) Ministar Ministarstva privrede Srednjobosanskog kantona imenuje Komisiju koja razmatra i vrednuje prijave i sačinjava prijedlog Odluke o dodjeli sredstava.

(2) Komisija podnosi izvještaj o radu Ministru Ministarstva privrede sa prijedlogom Odluke o dodjeli sredstava.

(3) Prijedlog Odluke o dodjeli sredstava Ministar Ministarstva privrede Srednjobosanskog kantona upućuje Vladi Srednjobosanskog kantona koja donosi Odluku o dodjeli sredstava.

X REZULTATI JAVNOG POZIVA

- (1) Preliminarni rezultati Javnog poziva objavljuju se na web stranici Ministarstva privrede, radi eventualnog ulaganja prigovora u roku od osam dana, od dana objave preliminarnih rezultata.
- (2) Konačna Odluka o izboru korisnika podsticajnih sredstava objavljuje se u „Službenim novinama Srednjobosanskog kantona“.
- (3) Sa korisnicima sredstava Ministarstvo privrede zaključit će ugovor o implementaciji odobrenih sredstava.

XI IZBOR KORISNIKA FINANSIJSKIH SREDSTVA

- (1) Izbor korisnika sredstava vrši se prema broju osvojenih bodova sve do raspodjele raspoloživih sredstava.
- (2) S ciljem dodatne provjere i kontrole, Ministarstvu privrede će biti omogućen obilazak podnosilaca prijave za koje se predlaže dodjela sredstava, kao i obilazak njihovih poslovnih prostorija i pogona.
- (3) Nakon donošenja odluke o dodjeli sredstava, korisnik sredstava sklapa ugovor o dodjeli pomoći sa davaocem sredstava kojim se obavezuje na namjensko trošenje istih.
- (4) Ministarstvo privrede zadržava pravo da odbije sufinansiranje prijave poslovnih subjekata ukoliko utvrdi da je podnosilac prijave u postupku prijave dao lažne ili netačne podatke.
- (5) Korisnici sredstava dužni su, u roku od 3 (tri) mjeseca od dana potpisivanja ugovora, realizovati aktivnosti iz prijave, dostaviti relevantnu dokumentaciju za namjensko trošenje sredstava koja su im dodijeljena.
- (6) U opravdanim slučajevima, korisnici sredstava mogu podnijeti zahtjev za produženje ugovorenog roka za dostavu dokaza o namjenskom utrošku dodijeljenih sredstava i to najkasnije 10 dana prije isteka ugovorenog roka. Opravdanost takvih zahtjeva, ocjenjuje Ministarstvo privrede Srednjobosanskog kantona.

XII NADZOR NAD KORIŠTENJEM SREDSTAVA

- (1) U svrhu provođenja kontrole namjenskog korištenja sredstava, Ministarstvo privrede može izvršiti provjeru korištenja odobrenih sredstava uvidom u originalnu dokumentaciju, te obilaskom korisnika sredstava i njegovih poslovnih objekata.
- (2) Korisnici kod kojih se prilikom kontrole utvrdi nenamjensko trošenje sredstava, bit će dužni vratiti dodijeljena sredstva u roku od 8 dana od dana zahtjeva davaoca sredstava.

(3) Ministarstvo privrede može izvršiti posjetu korisnicima kojima se odobre sredstva, a u cilju kontrole namjenskog utroška odobrenih sredstava.

XIII OSTALE ODREDBE

(1) Ministarstvo privrede Srednjobosanskog kantona potpisati će Ugovor o implementaciji odobrenih sredstava u kojem će biti preciziran način, dinamika i nadzor nad trošenjem istih.

(2) Ministarstvo privrede Srednjobosanskog kantona ne snosi troškove učesnicima Javnog poziva i zadržava pravo da Zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora. Prispjela dokumentacija neće se vraćati.

(3) Nepotpune, neblagovremene i neuredne prijave neće se uzete u razmatranje.

(4) Sve dodatne informacije mogu se dobiti svakim radnim danom putem telefona: 030/511-217.

Broj:05-11-9113/24
Travnik,08.11.2024.godine

MINISTAR
dr.sci.Sedžad Milanović